

[www.BibleForChildren.org](http://www.BibleForChildren.org)

# Ann Bokwakwarin 3



Adam awan iwabai Eve, on an yabin  
min sabu yawasis semama, osi ayos.



BADA God on rega an bobaitu engon ifofouris sanasi, mota on kutatabir ansagobotin bag men bobaitu fani ba. Mota on jever aurin iyau, "Omi min dura bag, God iyawurem atonio masau amonai on men wengar uwan tani wonan i?"



Jever on mota  
iyawur iyau, "Wei on  
masau amonai wengar  
uwas on engon wanam.

Baise God on iyau, 'Omi wengar ato masau  
basunai bag etatawar on uwan men wonan  
a men wonruyein mes, ato omi on  
wonbiyamai on arimon  
wonarab.'"



Baise mota on  
jever iyawur iyau,  
"Omi dura bag arimon  
men wonarab on. Yabin  
God isagob omi wengar uwan wonboai  
wonanin on arimon matam sinruserenis  
wonnat God ba wonmatar, ato arimon  
wonsagob menan on obin  
a menan on komasin."



Namon jever wengar uwan it on bayu obin ato wakiroron isoror, mat inonot on igogoi bag gigiboan itboai, on mes jever wengar uwan tani ibo iyan. On awan orot bisinai imama on turin itai iyan.



Namon osi rus matas on siruserenis,  
ato tous sisagobis on keremomotis.  
On mes osi bubudau rorous sisagiren  
ato beber mes siyafofotes.





Baise BADA God on orot aurin  
iyor iyau, "Adam, om menan?" Orot iyafotai iyau,  
"Yau atatamim Om masauai ubib unat on mes aber  
auob, yabin yau on keremomotiu."





Ato God iyau, "Iyafan ikasonem om keremomotim?  
Om wengar uwan ato dura wawaninai asofafarim  
men utan on ubo uyan bait?"



Orot iyafotai iyau, "Jever ato om ubiteu on wengar uwan turin iteu aan." Namon BADA God on jever aurin iyau, "Atonio bobo on aifan uyamai?" Ato jever iyafotai iyau, "Mota min on ikuyoyowiu ato abo aan."



On mes BADA God orot ifaitan  
Eden masau emon igat, efan  
menan God orot ifourai nan  
masau ittar itab mes.





BADA God on orot  
a jever ifaitanis sigat gibunai, on anea  
wawanin a seri wairaf wamemeran  
auman aunan augibun ebitabubu on  
Eden Masau au wera matan na iya  
eta itkakaifarai onai sabu men  
yawas an wengar  
aurin sitar mes.




Adam awan Eve rus siyen ato jever inafot fifi orot ituai wabin iyor Cain. Jever iyau, "Yau BADA an baibaisai on fifi orot aituai." On gibunai jever on Cain tain Abel ba ituai ato osi sirat gagamis simatar weie, Abel on sheep kaifarotin imatar ato

Cain on masau bofefesotin imatar.




Wera fani sisawar gibunai Cain an masau emon bayu  
fani iboen inat BADA aurin sirifu ikutetai. Baise Abel  
on an foro sheep sanasi abou boboun tani  
on iyasubun iweyab bios momos wat  
iboen inat.



BADA on Abel a an sirifu ikutetai aurin on iyasisir,  
baise Cain an sirifu ikutetai on BADA it men iyasisir.  
On mes Cain iyatatab kwakwan ato  
magin iwani.



Namon Cain on tain Abel aurin iyau, "Ot tagat tanai au masau." On an werai osi masauai nan Cain imisir tain Abel irab iyasubun.



Namon BADA on Cain aurin iyau, "Om taim Abel on menan?" On iyafotai iyau, "Yau men asagob. Ato nin min yau au bobo taiu an kaifarai mes i?" On mes Cain on BADA magin emon igat inai Eden wera matan Nod tafanamai nan ima.



Adam awan rus siyen men ato jever fifi tani ba ituai  
ato iwabai Seth, ato iyau, "God on fifi tani ba iteu  
Abel an efan irorog, yabin Cain tain iyasubun  
on mes."



Seth irat gibunai Adam on kwanda 800 ba ima weie nanatun orot a jever fani ba sirat. Ato on ima an kwanda 930 weie irabob.



Ato BADA it sabu tafanamai simama asi yawas on komasis bag, mat osi sabu asi bainonot ra fufur sibinonot on engon komasis wat. On mes BADA iyau, "Basit Yau sabu tafanamai afofouris on engon anikomasis a




anfufun insawar,  
bobaitu, ..."



“... kiwiu a motob tefanai  
sawar yayawasis baiyayobis  
on mat engon anikomasis,  
yabin abiyababan on aibo mes  
nanaba afouris.”



Baise BADA on Noah aurin iyasisir. Atonio on Noah an dudur. On nanatun orot engon ton: Shem, Ham a Japheth.



Noah an yawas on totorin wat, on tafanamai sabu sanasi imama on an ubar tani ambin. On God ituranai rus kaitanei wat sibibib.



Yabin God on sabu engon tutufin  
inuabois kwakwan, on fasinai On  
Natun kaikas ikutetai onai sabu  
engon tutufin On sinbitutumai on  
men sinarab ab yawas mama  
wantoanin sinboai.



Romans 3:23 Sabu engon tutufin on sibokomas on mes  
osi on men fofonin arimon God Toun Kudidirin on mat  
sinikaita sinama on.

Romans 6:23 Yabin orot jever ebokomas on an baiyan  
min rabob on eboai; baise omi wonat Keriso Iesu ati  
Bada mat wobikaita on God an siwar an baiyan ambin  
ibitet on yawas mama wantoanin on tanama.

Hebrews 9:27 Sabu engon on ra kaitamom wat sinarab,  
ato iyai iyafan erarabob an ra on baitetem eboai.

Ephesians 2:8,9 Omi Keriso wobitutumai on mes God an  
kaber emon on iyawasim. Omi on men toum woyawasim  
on, baise atonio on God an siwar, on mes omi men toum  
wonifaim wonau omi ami bobo emon on toum woyawasim.



Romans 10:9,10 Om toum giburumui dura unkurereb unau, "Iesu on Bada," ato nunuamui unitutum God on Iesu rabob emon ibobaimisirai on arimon unyawas. Yabin ot nunuati tabitutum on mes God matanai ati yawas totorin tamamatar; ot tout giburuti dura takurereb on mes tayawas.

John 3:16,17 Yabin God on sabu engon tutufin inuabois kwakwan, on fasinai On Natun kaikas ikutetai onai sabu engon tutufin On sinbitutumai on men sinarab ab yawas mama wantoanin sinboai. Yabin God on men Natun iyafarai inat au tafanam sabu inigurubabanis mes, baise On inat sabu baiyawasis mes.



1 John 5:11-13 Dura atonio nanaba God iyawuret: God on yawas mama wantoanin itet, ato atonio yawas on On Natun amonai yen. Iyai iyafan Natun eboai on, on atonio yawas ibo; iyai iyafan men God Natun i'boai on, on men yawas ibo on. Yau atonio fef agagayam omi aurim onai wonsagob on omi yawas mama wantoanin wobo—omi ato God Natun Wabinai wobitutum on.



Ann Bokwakwarin 3 - 6

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Ubir Bible (ubr) © 2011, Wycliffe Bible Translators, Inc.  
All rights reserved.

<https://www.bible.com/bible/1242/GEN.1.UBR>

©2025 Bible for Children, Inc.

[www.M1914.org](http://www.M1914.org)      [www.bibleforchildren.org](http://www.bibleforchildren.org)

